

元

詩

紀

事

第三冊

PL
2534
.C4
v.3

PL
2534
.C4
v.3
YORK UNIVERSITY

JUN 5 - 2001

EAST ASIAN STUDIES

元詩紀事卷九

候官陳衍緝

陳孚



孚字剛中台州臨海人至元中以布衣上賦江浙行省聞於
朝後以禮部郎中使安南官至台州路總管府治中有剛中
觀光等稿

題壁

我不學寇丞相地黃變髮髮如漆又不學張長史醉後揮毫掃狂墨
平生紺髮三千丈幾度和雲眠石上不合感時怒衝冠天公罰作圓
頂相肺肝本無兒女情亦豈惜此雙髻青只憶山間秋月冷搔首不
見髩鬆影

江州

老母越南垂白髮病妻塞北倚黃昏蠻煙瘴雨交州客三處相思一夢魂

輟耕錄吾鄉陳剛中先生國初時嘗爲僧以避世變一日大書所作詩於父執某之粉牆上云云父執見之曰此子欲歸俗也呼來館穀之命養髮經半年餘謂曰汝當娶吾將以女事汝先生辭謝再三旣而命寓他所遣媒妁行言擇日迎歸父執喜曰五馬入門矣先生雖獲佳偶自妻母以至妻之兄弟弟妹皆不然遂挈家入京館閣諸公交章薦舉入翰林會朝廷遣使交趾先生副之至交州嘗有詩云云

銅雀臺

古臺百尺生野蒿昔誰築此當塗高上有三千金步搖滿陵寒柏園
鳳綃西飛燕子東伯勞塵閒泉下路迢迢龍帳銀箏紫檀槽怨入漳
河翻夜濤人生過眼草上露白骨何由見歌舞獨不念漢家長陵一
抔土玉柙珠襦鎖秋雨

詩藪雄渾流麗步驟中程

鳳凰山

浮屠百尺聳亭亭落日鴉啼野蔓青故國盡銷龍虎氣荒山空帶鳳
凰形金根輦路迎禪一作神駕玉樹歌臺語梵鈴惟有錢塘江上月年年

隨鴈過寒一作空汀

金山寺

萬頃天光俯可吞壺中別有小乾坤雲侵塔影橫江口潮送鐘聲過

海門僧榻夜隨鮫室湧佛燈秋隔蜃樓昏年年只有中冷水不受人間一點塵

泊安慶府呈貢父

共擁旄幢度百蠻今朝忽遇過一但皖公山幸承乙夜君王問憂喜丁年

奉使還舊夢未迷天祿閣新愁猶憶鬼門關塵纓笑濯滄浪水少一作小

伴沙鷗半日閒

詩藪全篇整麗首尾勻和

白門

布死城南未足悲老瞞可是算無遺不知別有三分者只在當年大耳兒

歸田詩話陳剛中白門詩云云詠曹操殺呂布事

鸚鵡洲

大江東南來孤洲屹枯蘚中有千載人殘骨寄偃蹇惟漢黨錮禍薦
紳半摧殄况復啖葛奴盡使羽翼翦天乎鸞鳳姿乃此侶猥犬想當
落筆時酒酣玉色洗鸚鵡何足詠僅以雕蟲顯我來策蓬顆清淚淒
以泫尙恨迷幾先不爲無道卷賢哉龐德公一犂老襄峴

歸田詩話崔塗鸚鵡洲詩云曹瞞尙不能容物黃祖何由解
愛才後無繼之者陳剛中一篇云云詞語跌宕議論老成誠
佳作也

題和靖墓

北邙翁仲拱朱門玉盃時驚古帝魂爭似孤山一坏土梅花依舊月
黃昏

筆精古今題和靖先生墓者不下百篇悉梅鶴封禪故事而已陳剛中一絕云云亦可掩諸作者也

瀟湘八景

遠浦歸帆

日落牛羊歸渡頭動津鼓煙昏不見人
隱隱數聲櫓水波忽驚搖大魚亂跳舞
北風一何勁帆飛過南浦

藝林伐山元陳孚遠歸帆絕句云云識者以爲不減王維案伐山止引首四句也

統幕

千里茫茫草色青亂塵飛逐馬蹄生不知何代開軍府猶有當年統

幕名

叩舷憑軾錄統幕之地在北直隸隆慶州西南八十里相傳
遼主遊幸嘗張大幕於此因名統幕俗訛爲土幕又名土墓
又名土木皆訛也元陳孚詩云云

安南卽事

聖德天無外恩光燭海隅遂頒南越詔載命北門儒萬里秋持節千
軍夜執殳前驅嚴弩矢後爨擁樵蘇睠彼交州域初爲漢氏區樓船
征旣克徵側叛還誅五代頽王紐諸方裂霸圖遂令風氣隔頓覺版
章殊丁璉前猖獗黎桓後覬覦一朝陳業構八葉李宗徂

安南本漢交州唐立都護府梁

貞明中土豪田承美據其地楊廷藝結洪吳昌岌昌文互相爭鬪宋乾德初丁公著之子部領立傳子璉

璉大將黎桓篡之桓子至忠又爲李公蘊所篡公蘊德政日尊乾德楊煥天祚龍翰吳昆凡八傳至宋嘉

定乙酉歲陳氏始奪其國陳本國人有陳京僞證文王壻于李值龍翰昏耄不恤政事京與弟本僞證康

王盜國柄吳昆冲幼其子承基立僭號太上皇死子光炳嗣在宋名威晃上表內附國朝封爲安南王死

子日烜立在宋名日照死今日燾下俗澆浮甚中華禮樂無諱嫌訛氏阮託制

代日烜立在宋名日照死今日燾

借稱孤父國諱李字姓李者皆易以阮臨文爲字不成以祭祀宗祊絕婚姻族屬汗雖廟有

無歲時祀禮惟供佛最謹國族男女與同姓爲婚互相匹偶以尊卑雙跳足老幼一圓顚皆民

皆徒問有男子悉冕有官則去之青巾羅之際袍笏百人陟嶠輕于鹿泐波疾似鳧山足皮厚甚登

夏皆無所懷父子男女同川而浴冬斜鉤青繪帽曲領黑羅襦巾色深青髹爲之貫頸以帶

東反結其後頂有銀鉤有職掌則加帶于鉤家居四首見客乃巾道行則一人捧巾以從惟會鬻以阜羅

此爲廣出就以綠其領色絕無寸以語笑堂前燕趨踰屋上烏語音條離謂天曰勃未地曰煙曰

梅山曰幹限水曰掠眼曰未口曰皿父曰吒母曰娜男子曰千女曰于多蓋夫曰重妻曰陀被好抵鴉

身偃豕羅我背拳狐其昇人用布一西長丈餘以圓木二各長五寸擊布兩端更以繩繫圓木

入帛扛用黑漆上拖黑油紙屋高四尺許銳其脊而廣其機櫓廣約四尺兩則張之晴則徹屋而用傘會出

然項寺號千齡陋州名萬劫愚使者館于太師府左有小利曰天啓千齡寺前有碑載建中

涇州太后龍翰女也爲興道王陳峻據萬劫府即唐笙簫圍醜妓牢醴祀淫巫賢殿宴于其女

倡各十人皆地坐有班器鑾爭一絃之屬其謳與絃索相和歌則先哩喻而後詞殿下有賜弄上竿杖頭傀儡又有錦袴裸其上體體跳擲號嗽婦人赤胸十掛爪槎枒起舞醜態百出人家門首必有小祠其神曰

馬大人刻木象猥惡不可名狀
國尉青盤護軍掀白梃驅
當國二人其叔爲太師諱啓弟

州專之每至殿門下輿則二人各執二大木圓如鏡色青廣六尺上畫日月北斗二十八宿意以自障也每州縣有官曰將掖司巡徼之事兼領土兵有警則盡驅丁壯以往器械悉自備無弓矢惟持藥弩標鎗亦

挺者操白
閱條親獄訟明字掌機樞
官自司尉而下有檢法明字皆執政官今丁公文杜國器

官屬以七月十五日爲大節人相問遺官屬各以一口獻其會十六日開宴酌之
勃宰官中

客翮髻座上奴
曰奴皆涅其額有曰官中客則官奴也
臺章中贊糾邑賦大僚輸

史臺中贊即中丞也刑法酷甚盜及逃亡斫手足指其人甘心或付象戲殺之國有大饑樓民訴事扣鐘州設安撫通判縣有大僚箕斂煩重魚鰕蔬果悉以充斂皆大僚主之
吏權檳榔

稅人收安息租
產檳榔最多其稅亦重專立官權之安息木取其津及葉
黃金刑莫贖紫

蓋律難踰
民間金銀雖錄兩悉徵送官有私服用者罪死官品崇卑視傘爲差
安化橋危矣

明靈閣岌乎
自館行六十里過安化橋復一里至青化橋北其上爲屋十九間至會所居門曰楊明

階閣下扁曰集賢殿上有大閣曰明靈閣道右廡皆金書
曲歌嘆時世樂奏入皇都
男子皆十

無敵凡三十里抵竹關下有兵守之關上兩山相交僅
遜馬道大竹皆圍二尺上有芒刺蓋其國控扼之地也
士燮祠將壓高駢塔未燕吳士燮人

兄弟四人一爲合浦太守一爲九真一爲南海士燮爲交趾太守有惠政死葬鐵船波影見銅柱焉土人祠之甚謹高駢旣定交州遂於富良江上橋市之左立石塔踞然猶存

土痕枯馬探徵側造鐵船四隻沈於海今水清猶彷彿可見銅柱援所立也墟落多施榻顛

崖屢改途之村所使臣至其國不復行舊徑皆鑿山開道築迴駁漆意以示險遠也之墟每二日一集百貨萃焉五里則建屋三間四面置榻以爲聚墟千艘商斥

齒四穫粒膏腴國無儲蓄惟持舟航賈販稻短短桑苗圃叢叢竹刺衢以供蠶每

三五寸竹如鐵斬而插之則活
 八寸如鐵斬而插之則活
 牛蕉垂似劍龍荔綴如珠
 節芭蕉極大者冬不凋為所墜結幹

實下垂一穗數十枚長數寸有如波羅蜜大如輻軋膚如絳柿如佛髻冷一名牛蕉龍荔枝實如酸小荔枝口味如龍眼
與葉亦相似二果古名奇果有肥羅蜜大如輻軋膚如絳柿如佛髻冷一名牛蕉龍荔枝實如酸小荔枝口味如龍眼

又有椰子皆珍味可食餘
寶罕羅鸚鵡名香屑鷓鴣鷓鴣材最多水沈旂檀亦有之似鷓鴣者爲

揭旌圖鬼像擊柝聚兵徒之旌旗黃黑青紅簇色四脚中畫星官天神或如羅刹鼻飲如

瓠
 瓠
 頭
 飛
 似
 轆
 轤
 習以鼻飲如牛然酒或以小管吸之咽民頭有能飛者以兩耳爲翼
 夜飛往海際拾魚蝦而食曉復歸身完如故但頭下有痕如紅線耳
 蚬
 皮

爲鼓擊蝦鬣作筇扶

家必烹蛇虺人能幻虎羆

魚鱗簾架瓦鵲尾海浮標

水經含沙擲山獐出穴麋水經一曰含沙射中

魚鰓

海靈蜃氣吐浮屠蜃蜃大者曰蜃蜃小者曰浮屠

寓縣傷分阻生靈困毒痛舞階猶未

格折簡豈能呼大社初傳禡幘門合受俘貌貅微偃戢蛇豕偶逃遁

天已殂渠惡民猶奉僭雛勢如純據隴政以皓亡吳鳳札重宣令猶

心更伏辜幸能寬斧鑕猶自戀泥塗獻頌尊天子騰章遣大夫象韞

言可訂蠹册事非誣功欲收邊徼威須仗廟謨沐薰陳此什禮部小

臣等

剛中交州稟至元壬辰秋九月朔詔命吏部尙書臣梁曾禮
部郎中臣陳孚奉璽書問罪于交趾越翌日召至便殿賜金
符襲衣乘馬弓矢器幣諭遣之明年正月二十有四日至其
國三月望日世子陳日燿遣陪臣明字陶子奇奉旨梁文藻
等奉表請命以九月至京師行李之往來及期凡駐僞境五
十有二日其山川城邑風俗爲圖一卷諭以順福逆禍爲書
人筆悉已上于史館茲不敢述姑卽道中所得詩一百餘首
目之曰交州稟以示同志云癸巳除夕孚敬書

七修類稿元詩人陳孚出使安南有紀事之詩云鼻飲如瓠
齋頭飛似轆轤予見螺蟲集中所載老撾國人鼻飲水漿頭
飛食魚近汪海雲亦能鼻飲酒頭飛則怪也昨見星槎勝覽

亦言占城國人有頭飛者乃婦人也夜飛食人糞云云作書者自云目擊其事予又考古城正接安南之南而老撾正接安南西北陳詩信不誣也

瀛涯勝覽占城有號屍致魚者乃婦人也夜寢則頭飛入人家食小兒穢氣侵兒腹必死頭返合體如故移其體則不合而死矣

句

亂山空北向大火已西流

詩數元五言律可摘者陳剛中云云

又

櫓聲搖月過巫峽燈影隨潮過漢陽 僧榻夜隨蛟室湧佛燈秋隔

蜃樓昏

詩藪句格莊嚴詞藻瑰麗

徐明善

明善字芳谷鄱陽人至元間任江西等處提舉

席上口占

乘傳入南中雲章照海紅
天邊龍虎氣南徼馬牛風
日月八荒燭車書萬里同
丹青入王會茅土胙無窮

中洲野錄徐芳谷嘗奉使交趾國其王子陳日炫聞公善詩
舉卮酒立索吟公口占云云日炫遂納款奉貢公聲名大振

馮子振

子振字海粟攸州人自號怪怪道人仕爲承事郎集賢待制

投甕隨筆元世祖時馮子振嘗爲詩譽桑哥且涉大言及桑
哥敗卽告詞臣撰碑引喻失當國史院編修官陳孚發其姦
狀帝曰詞臣何罪使以譽桑哥爲罪則在廷諸臣誰不譽之
朕亦嘗譽之矣吁帝所以諱子振之罪者正所以諱已用桑
哥之失也

弇州山人四部稿朱氏在勝國時有虹月樓畫壁冠東南楊
鐵史爲之記馮海粟係之詩爲一時勝事今所謂樓與畫壁
俱漫滅而朱氏子孫尙能守海粟詩蹟

梅花百詠

錄二

全開梅

玉臉盈盈總是春都將笑色媚東君道人放鶴歸來晚月下看花似

白雲

疎梅

數個冰花三五枝東君點綴特稀奇黃昏照影臨清淺寫出林逋一

句詩

詳明本下

塔燈

擎天一柱礙雲低破暗功同日月齊半夜火龍蟠地軸八方星象下
天梯光搖灩澦沿珠蚌影落滄溟照水犀文焰逼人高萬丈倒提鐵
筆向空題

詩藪全篇整麗首尾勻和

曹伯啓

伯啓字士開碭山人至元中爲蘭溪主簿官至御史臺侍御

史諡文貞有漢泉漫稿

七賢過關圖

清譚飄逸事凌遲七子高風世所師公室傾危無砥柱服牛乘馬欲何之

七修類稿七賢過關人多謂唐人蓋春秋有七人建安有七子未嘗稱賢也惟晉竹林諸人稱賢耳又考王戎嘗乘小馬山濤乘驢劉伶乘鹿車餘則乘馬正符七人之騎鹿車後或訛畫牛也且接離烏帽皆晉人所戴唐則巾矣元曹文貞公伯啓集有七子圖詩云云又一證也

舟至常德出陸山展抵沅書事三首

盤礴崎嶇力不任遐方風景變鳴禽舟浮湖面波瀾闊馬憩山腰澗

壑深千里曉煙炊紫葛一春寒霧鎖青林紛紛寇盜何時靜龔遂登車是好音

蘭澧分歧望芷沅渡頭楊柳欲飛綿囊無蕙苴防私論茶有茱萸敵瘴煙心定漸忘行役苦愁濃不覺歲時遷從今暴殄爲明誠曾見山頭火種田

武陵回首望巴陵擯退舟師就馬程潏潏青溝穿路過峨峨蒼嶺送人行廟堂任使誰能避箐麓猖狂只自驚欲爲伏波尋勝跡草間聞有鷓鴣聲

元詩選延祐中湖廣諸徭以前帥失馭西南多擾伯啓爲刑部侍郎承命偕兩臺御史本省參政賈馴蒞鞫之行次沅州道且梗伯啟曰進非兵衛不可惟彼諸番酋長萬一驚疑狙

候爲忠不細若馳一介與之議靡不有濟衆然之乃遣監察御史揚鵬單騎詣之果得要領以歸此三詩卽是時所作

句

溪山新月上江海故人同

仲弘集士開燕岳氏溪堂有云云句邀予及張仲實曹克明同足成之云置酒秋風裏憑闌野色中溪山新月上江海故人同縱浪情何極留連燕未終三鱸來上客五馬會羣公積水輸清氣微霞銜近空將昏林尙白及早稻先紅極論追遐古深情念困窮尙觀儀秩秩未遂樂融融才著當朝傑文誇命世雄數君今日選宜爾集南宮

又

露坐分藜楊郊行解葛衣居村澹煙新店舍斜月舊河山梁宿呂立談千古

意坐占一生閒可贈周山積水不勝流水碧遠山還比近山青嘉祥道中十年人

事成今古數老天留載典型鄉飲禮罷次諸公韻去歲關心如昨日平明回首又

東風除夜山色欲冥知雨信岸痕齊剝記潮生江陰詠懷

元詩選宦轍所至多寄寓紀述之辭如云云歐陽文公以爲
思致敏贍襟韻朗夷臨文抒志造次天成斯足以稱其爲人
矣

鄧文原

文原字善之綿州人至元二十七年行中書省辟爲杭州路
儒學正官至集賢直學士諡文肅有素履齋集

武陵勝集得入字

雨雪正紛紛氣壓后土濕大梁雄豪士衝寒策馬急欣然款柴門稍
稍冠蓋集酒酣歌白雪頗覺春風入窵予守空巷歲暮憂思積念有
流離子飢寒夜中泣

詳白集下

陪高彥敬游南山

不到南山又二年離離秋草映寒泉東林蕭散開蓮社西晉風流櫂
酒船古寺雲煙終日合長松風雨半空懸謝公未了登臨興故向禪
房借榻眠

詩藪全篇整麗首尾勻和

句

平生修月斧萬里御風翰

詩藪元五言律可摘者鄧文原云云

又

客舍張燈浮大白禁鐘和漏隔華清

詩藪句格莊嚴詞藻瑰麗

宋无

亦作無

无字子虛舊以晞顏字行世家晉陵以兵亂遷吳冒姓朱有
子虛翠寒集吟嚙集鯨背吟

詠史

函谷關中富列侯黃童亦僭上卿謀當年園綺猶年少甘隱商山到

白頭

甘羅

紅粉捐軀爲主家明珠六斛委泥沙年來金谷園中燕銜取香泥葬

落花

綠珠

滄溟幾度見揚塵曾醉堯家內子春近日喜無天使至蹇驢留得載

閒身

蘇軾

化作遼東羽翼回適逢沙苑獵弦開寧知萬里青城客真待他年箭

主來

徐左明化鶴

詔下東山感泣來謫歸門巷鎖蒼苔奉天以後誰持筆不用當時陸

九才

蘇軾

貞烈那堪點虜求玉顏甘沒塞垣秋孤墳若是鄰青冢地下昭君見

亦羞

宋宮人王婉容

藝林伐山宋子虛詠史凡百餘首其佳者如詠甘羅云云詠

綠珠云云詠張果云云詠徐左卿化鶴云云詠陸贄云云詠

宋宮人王婉容云云王婉容隨徽欽北去粘罕見之求爲子

婦婉容自刎車中虜人葬之道旁可謂英烈矣

烏夜啼

露華洗天天墮水燭光燒雲半空紫西施夜醉芙蓉洲金絲玉簫清
咽秋聲鼓鞭月行春雷洞房花夢酣不迴宮中夜夜啼棲烏美人日
日歌吳歛吳王國破歌聲絕鬼火青熒生碧血千年壞塚耕狐兔烏
銜紙錢挂枯樹髑髏體無語滿眼泥曾見吳王歌舞時烏夜啼啼爲誰
身前歡樂身後悲空留瑟怨傳相思烏夜啼啼別離

公無渡河

九龍爭珠戰淵底洪濤萬丈涌山起鱷魚張口奮靈齒含沙射人毒
如矢寧登高山莫涉水公無渡河公不可止河伯娶婦蛟龍宅公無
白璧獻河伯恐公身爲泣珠客公無渡河公不然憂公老命沈黃泉

公沈黃泉公勿怨天

戰城南

漢兵塵戰城南窟雪深馬僵漢城沒凍指控絃指斷折寒膚著鐵膚
戰裂軍中七日不火食手殺降人吞熱血漢懸千金購首級將士銜
枚夜深人天愁地黑聲啾啾鞍下體憫相對泣偏裨背負八十創破
旗裏尸橫道旁殘卒忍死哭空城露布獨有都護名

公莫舞

公莫舞公莫舞鴻門王氣歸眞主何人睚眦赤龍子手循玉玦目相
語令公莫舞公楚舞劍光射日白虹吐人發殺機天不與撞斗帳中
唉亞父霸業明朝棄如土

長門怨

金壺咽淚蓮花澀銀箭浮遲渴烏泣知更阿監羅襪冰暝對星河玉
階立內官唱漏催曉籌芙蓉夢破燕支愁起來妝罷窺繡戶三十六
院殘燭幽建章風傳鳳吹遠翠華晨幸昭儀館瑩篴不語心自語愁
長如天恨天短紅裯暖踏楊花雪絳縷閑封守宮血鸚鵡空猜警蹕
聲春寒緊護流蘇結

枯魚過河泣

北溟有鯢歎薄崑崙氣吞積石摧禹門過河河水枯蹤跡困泥塗垂
涎向海若能濟涓滴無中流有魴鯉不貸斗升水巨口走噉喁逆遊
莫若鮪鯢兮鯢兮爾泣何由龍伯知決雨津倒天池泝水橫行隨鯢
所之揚鱗爲謝魴與鯉還有桃花春漲時

妾薄命

雲母屏瑤春冰鮫女織綃蟬翼輕比妾妾薄命比君君薄情紅綿拭
鏡照膽明還疑妾貌非傾城傾城從來有人妒况復君心不如故故
人心尙峯九疑新妾那能無故時補天天高填海海深不食蓮葍不
知妾心

古硯歌

神媧踏雲補天去遺下一團蒼黑天千年萬年乾不得長帶盤古青
紫煙玉工剖天天化石石內星精有餘魄瑠光發爛成禹璧海王川
后輸玄液青帝呵霧坤倪溼匝月不開太陰泣破天殘缺無人補一
穴絲絲漏春雨空藏老石磨今古補天何時與天語

馮海粟云子虛烏夜啼公無渡河戰城南公莫舞至妾薄命
古硯歌諸詩皆古錦神林鬼塚外帶三分鳳麟洲上飛仙羽

翻格力

次友人春別

波流雲散碧天空魚雁沈沈信不通楊柳昏黃晚西月梨花明白夜
東風秋千庭院人初下春半園林酒正中背倚闌干思往事畫樓魂
夢可曾同

元詩選子虛律詩工絕海粟盛稱此詩中聯高季迪評其詩
謂澹蕩適逸于虞楊范揭外別樹一宗亦篤論也

鯨背吟

梢水

拔釘張篷豈暫停爲貪薄利故輕生幾宵風雨船頭坐不脫蓑衣臥
月明

鸚遊山

崖向波濤頂接空黃鸚遊處樹成叢莫言山上人希住多少樓臺煙雨中

日出

金烏搖上浪如堆萬象分明海色開遙望扶桑岸頭近小舟撐出柳陰來

東洋

東溟雲氣接蓬萊徐福樓船此際開應是秦皇望消息采芝何處未歸來

揆沙

萬乘龍驤一葉輕逆風寸步不能行如今閣在沙灘上野渡無人舟

自橫

海鷗

羣飛獨宿水中央
逐浪隨波羽半傷
莫去西湖花裏睡
芰荷翻雨打鴛鴦

乳島

遠望渾如雨乳同
近前方信兩高峰
端相不似雞頭肉
莫遣三郎解抹胸

沙門島

積沙成島浸蒼空
古祀龍妃石嶼東
亦有遊人記曾到
去年今日此門中

萊州洋

萊州洋內浪頻高
釘鐵千尋繫不牢
傳與海神休恣意
二三升水作波濤

水程

九日灘頭不可移
九灘一日尙嫌遲
何須頻問程多少
路上行人口是碑

尋踪

萬艦同踪在海心
一時相離不知音
夜來欲問平安信
明月蘆花何處尋

拋釘

千斤鐵釘繫船頭
萬丈灘中得挽留
想見夜深拋擲處
驚魚錯認月沈鉤

出火

前船去速後艖忙暗裏尋艖認火光何處笙歌歸棹晚高燒銀燭照紅妝

落篷

潮信篷留風力慳落篷少歇浪中間殷勤爲向梢人道又得浮生半日閑

走風

夜颶顛狂浪卷天深淵多少走風船一宵行盡波濤險只在蘆花淺水邊

櫓歌

浪靜船遲共一艖櫓聲齊起響連空要將檀板輕輕和又被風吹別

調中

大浪

吞天高浪雪成堆搖蕩驚心眼怕開深謝波神費工力幾回風雨送將來

探淺

探水行船逐步尋忽逢沙淺便驚心蓬萊近處更難徧揚子江頭浪最深

討水

海波鹹苦帶流沙島上清泉味最佳莫笑行人不風韻一瓶春水自煎茶

討柴

海樹年深成大材一時斧伐作薪來山人指點長松說盡是劉郎去
後栽

直沽

直沽風月可消愁標格燕山第一樓細問花名何處出揚州十里小
紅樓

自題

乘興風波萬里遊清如王子泛扁舟早知鯨背推敲險悔不來時只
跨牛

鯨背吟原序僕初涉詩書薄遊山水偶託迹于胄科未忘情
于筆硯緣木求魚乘桴浮海觀千艘之漕餉勢若龍驤受半
載之奔波名如蝸角碧漢迢遙一似桴槎于天上銀濤湧洶

幾番戰慄於船中今將所歷海洋山島與夫風物所聞舟航
所見各成詩一首詩尾聯以古句蓋滑稽也非敢稱于格律
然而風檣之下柁樓之上舉酒酌月亦可與梢人黃帽郎同
發一笑云爾至元辛卯中秋蘇臺吟人朱唏顏名世序

艾性夫

性夫字天謂江西撫州人元初官江浙道提舉有剩語二卷
江西通志稱撫州三艾叔可字無可憲可字元德性夫字天
謂皆工於詩

哭北谷羅先生

死到先生世道衰忍彈雙淚看銘碑動隨天去心無愧視得官輕事
敢爲他日史書廉太守四方人哭老宗師無人描畫無人詠始是梅

花自在時

剩語自注先生詩無人描畫云云蓋自況也故及之

贈趙太史

輕柔楊柳挾春妍孤梗梅花結雪緣此是乾坤大消息相逢切莫說
流年

剩語自注此予三十年前贈先見趙太史二絕之一予亦不
復記憶矣後三十五年太史訪予山中恨詩不存惟爲余誦
此而亦忘其一竟莫省爲何等語也

句

安得天上蓬萊宮却住人間馬嵬鬼

調言長語文人詞勝於理者多白樂天長恨歌敍明皇貴妃

天上人閒會相見云云人讀之不覺可喜元艾性夫作臨邛道士招魂歌云云

朱浚

浚字 臨川人

贈賣墨呂雲叔訪陳煙山

僊宗傳訣自分明未數當年老樹精一片紫雲光滴滴丹墀成就幾公卿

蓬萊僊子世偏珍琮璧多携問楚津若向積煙峯下過殷勤傳語臥樓人

都城初秋和趙京倅

從來美玉價連城結佩乘風十二京携上峭嶸今有約好留彩筆調

清平

宇宙清愁望眼中誰將涼雨借龍公
秋風夜入關河迴破賊紅旗纔
曉空

句

西風落葉長安夢晚節寒花老圃心

京師九日

玉帳分兵賦采薇梅華吹

雪上戎衣將軍意氣中流楫丞相功名采石磯

巡江人

金寒霜氣山無

虎劍動星光水有龍

平江虎邱山

皇帝當年第九春宮符仍詔刻麒麟軍

咨祭酒金臺夜國子先生鐵壁人

送吳麟樹參赴

落花水煖千船聚芳草

春深一鶴歸

南浦泊夜

米車已過塵迷路漁網纔收月滿船

杞杞亭

海燕故

人意杜鵑游子心

次韻

故里千山隔終年一字無

訪舊

谿月知相憶江雲

約共吟夜船書一紙飛過赤楓林

寄友

隱居通議頃壬辰癸巳歲有臨川朱兄浚過訪出其詩曰梅
邊集以惠教予愛其流麗穩熟不作寒乞語爲跋其後已而
與之府酬則與集中作大異豈謀野則獲與蒙被作文性情
各有所宜耶然極愛之爲摘其句七言律有西風各云云五
言不多海燕各云云絕句云云

元詩紀事卷十

侯官陳衍緝

高克恭

克恭字彥敬其先西域人後居燕之房山初仕爲省郎官至
刑部侍郎卒追贈刑部尙書諡文簡有房山集

過京口

北來朋友不如鴻幾個西飛幾個東多少登臨舊樓閣闌干閒在夕
陽中

過信州

二千里路佳山水無數海棠官道旁風送落紅攬馬過春光更比路
人忙

鐵網珊瑚王士熙題高房山畫云詩甚有唐人意度作樂府
止記兩句曰無限飛紅隨馬足春光更比路人忙

弋陽

雷聲驅雨轉山西山腹雲根似雪齊日暮牧兒歸不得料應白水漲
前溪

拍洪樓

仰有嵐光俯有溪軒窗初不計東西雲峰雨岫安排定松竹林林自
整齊

其二

山腰澗曲綠短垣百怪老樹龍蛇蜿蜒山翁有時抱琴至雪霽月明開
北軒

滿目雲山樓

溪頭白鷺來相安
溪上紅桃雨打殘
滿目雲山爲誰好
一川晴色上樓看

卽事

古木陰中生白煙
忽從石上見流泉
閒隨委曲尋源去
直到人家竹塢邊

鐵網珊瑚水村圖
卷跋大德八年五月
還自江西過虎邱舟
中子敬携此卷見示
俗客以惡酒相撓情
况構詩不成遂書
途中所作少答雅意
房山高克恭

其二

鷄鳴上馬戴星還
鄰近人家見面難
一度相思一回首
二千里外得

相看

寄友

並行沿堤步晚晴野香牽引過林垌誰知却是江南夢尋到西曹夜
直廳

濟州道庵

草色琅玕逼兩楹早陰纔過午陰晴斜陽又送西軒影一就移床待
月生

吳禮部詩話吳興姚子敬手寫高彥敬尙書絕句一卷皆佳
云云子敬爲人修潔詞翰皆工此卷作行草尤可愛

案以上十首皆見詩話前七首見鐵網珊瑚

句

雲山隨處覺風雨興中孤

好古堂書畫記高房山雲山大幅自題云云高克恭併題案
高常侍詩云雲山行處合風雨興中秋此略改之

李材

材字子構京兆人

海子上卽事

馳道塵香逐玉珂彤樓花暗鼓雲和光風漸綠瀛洲草細雨微生太
液波月榭管弦鳴曙早水亭簾幕受寒多少年易動傷心感喚取蛾
眉對酒歌

句

劉郎再來歲云暮王母一笑天回春

松雪齋集海子上卽事與李子構同賦原注李詩云云子構
名材京兆人年十七賦此詩不幸早亡雜於唐人詩中未易
辨也客有賦十月桃者子構云云衆皆鉗口不作亦奇句也
因附此

又

天入五溪無雁到地經三峽有猿啼

詩藪李子構云云

詳趙孟頫下

姚式

式字子敬號筠菴吳興人善書畫高克恭薦爲校官

趙子昂畫謝幼輿邱壑圖

黃塵汚人廊廟具蕭散風流誰比數清言善畫浪相傳遺恨千年機

上女

珊瑚網趙文敏畫謝幼輿邱壑圖吳興姚式題云云鄧榆木之云云虞集云云宋无云云趙雍跋云右先承旨早年作幼輿邱壑圖真跡無疑拜觀之餘悲喜交集不能去手無言師宜寶之倪瓚云云

珊瑚木難趙魏公畫幼輿邱壑圖跋予自少小愛畫得寸縑尺楮未嘗不命筆模寫此圖是初傳色時所作雖筆力未至而粗有古意邇來鬚髮盡白畫乃加進然百事皆懶欲如昔者作一二圖亦不可得右之要予再跋故重書以識之孟頫又趙雍跋右先平章初年所作雍至正十七年春至錢塘鄒伯常復以見示拜觀之餘悲喜交集展玩不能去手伯常宜

寶藏之又趙麟跋此圖乃先大父早年所作真跡無疑至正
丁酉四月拜觀於會稽之寓舍又宇文公諒詩云云又楊維
禎詩序伯常避難東徙家資如山委棄不復顧戀獨珍惜此
畫不忍使失去客中時一展玩輒欣然自慰雅好異於流俗
深可敬也

題水村圖

問君何許水邊村亦有扁舟乘興人無限好山茆屋外他年倘許我
爲鄰

珊瑚木難息齊居士舊嘗爲隱釣作水村圖題云云旣還吳
興復來見子昂此圖意象融會令人應接不暇又何暇詩非
德鈞詎能領會耶姚式書于姑蘇寓館

鄧榆

榆字木之

題趙文敏畫謝幼輿邱壑圖

一邱一壑絕塵坌坐看前山出白雲可使玉堂揮翰手却疑大小李

將軍

見姚式下

趙孟頫

孟頫字子俊

題水村圖

曖曖水邊村蕭條絕塵滓錢君智者徒而後能樂此平生丘壑情所向政在是問誰爲此圖吾兄能固爾

詳錢仲鼎下

李淦

淦字性學建昌南城人官揚州儒學正升江陰路教授

癸辛雜識葉李爲李性學所窘飲恨而終

元史葉李傳揚州儒學正李淦上書言人皆知僧格用羣小之罪而不知葉李舉僧格之罪宜斬李以謝天下李南還尋卒

雪樓集李性學官國子助教一食能盡肉數斤不娶善談論不知有男女事或端坐至旦

句

天下今無讀書者人間惟有作詩人

癸辛雜識李性學之爲吾教也有詩云云其後得罪於巨室故遭完顏御史之怒杖幾及身闔子靜援之而免

李孟

孟字道復上黨人至元中裕宗召見東宮不及用成宗立薦爲太子師傅官至中書平章政事賜爵秦國公改封韓國公諡文忠有秋谷集

贈黃秋江處士

君釣秋江月我耕秋谷雲逃名君笑我伴食我慙君老我素多病壯君高出羣何時各歸去雲月總平分

黃文獻集秋江黃君墓誌銘一清字清夫休寧人入京師謁李公君古貌長身鬚髯如戟寬衣高冠容止簡率又作吳語左右多目笑之公望見大驚異卽下執其手延之上座名動京師君以秋江自號而李公自號秋谷遺君詩有云云之句

朝野傳誦滿口趙文敏公寫以爲圖君辭歸築山房摘李公詩語爲扁名以見志公欣然遣以錢助之

吳文正集平章政事李公以公輔之尊而友處士之賤贈之以詩章重之以序引可謂忘勢謙己者矣然公之詩云云亦一時姑爲是言而已晚節而踐斯言也豈不高出一世也哉定宇先生文集清夫素志乎秋江釣月然結知大臣者數年雖欲裊一絲風於見底江上而不可得秦國公嘗欲以詞翰薦之力以養母辭歸又將築釣耕山房與母偕隱秦國公以當世大臣乃肯下友一士圖其秋谷耕雲與秋江釣月四詩且序之以雲月平分爲約此盛德事古今寡二

易字通甫吳郡人署徽州路石洞書院山長有靜春堂集

靜春堂詩集郭麟孫序及歸隱於松江之濱築室治圃種花
藝竹繞舍芙蕖數十畝雜植菱芡蓴菜於其閒扁其堂曰靜
春聚書萬卷暇則具筆床茶竈扁舟五湖盡取乾坤清氣以
充其詩

又附干文傳記與郭祥卿龔子敬相友善趙文敏公稱爲吳
中三君子嘗作袁安臥雪圖以贈之

杭州道中書懷四首

涉世恆多故謀身轉益迂馬周聊逆旅阮籍豈窮途鷺宿依船尾楓
彫落酒壺遠行慘慄意對此不能無

白露籠舟楫青山失畫圖往來迷只尺收歛忽斯須野曠連飛鵲江

清映浴甕還將明媚色且復慰征途
堤柳欹招纔汀花笑入舟高歌鳬鵠起闊視水雲流牢落江淹恨飄
零庾信愁都將付尊酒短髮得禁秋
憂患看飄瓦浮沈任轉蓬題詩霜葉赤對酒燭花紅嵇阮情何曠陶
韋意未窮前賢負高興不必萬人同

重午客中三首

往恨湘纍遠他鄉楚俗同流傳存弔祭汨沒見英雄竹葉於人綠榴
花此日紅未須嗟旅泊吾道豈終窮

湖上冥冥雨和愁細似塵翠嵐沾玉塵清潤逼綸巾他日看濃抹茲
晨做淺顰遂諳山水意有爲苦留人

令節殊方客虛樓莫雨時何心吟鑪鏡予髮欲成絲昌歎誰浮玉芳

醪且滿卮今朝羈旅思更用獨醒爲

寄吳中諸友六首

錢德鈞

風雨蕭蕭裏雞鳴夜向晨簡編心力盡燈火鬢毛新餘地知游刃何人解斲輪煩君無割席漂轉暫埃塵

蕭子中

並馬春風陌高歌夜雨牀遨游前夢失漂泊此身忙綠酒西湖色冰肌六月涼難招髯似戟來對玉成行

湯師言

卓行拘常調微官更數移君懷同棄屣吾道歎如絲濩落才高世飛騰命與時晚成梁棟器剩破十年遲

唐希賢

枉策招尋密高談謔浪俱他鄉懷楚奏何日攬桓須白月垂文練青
天落酒壺看君話心事餘子盡崎嶇

趙明仲

共話巴山雨曾題華步秋儒官雖寂莫公子是風流卽擬同吳詠焉
知效楚囚江南新作賦寄爾恐添愁

馮景說

之子華簪裔簞瓢祇晏如爲郎應駐輦延客愧無車早託襟期合能
容禮法疎一燈何日共料理讀殘書

鐵網珊瑚右十三詩命意閑遠下語清麗可謂不流于俗矣
然少加精密杜少陵黃山谷不難到也困學民漁陽鮮于樞

題其後而還之大德辛丑冬至前一日

戴天錫

天錫一名錫字祖禹山陰人官會稽學正

次韻王理得往昔行

美人昔愛唱伊州少年未解人閒愁
五侯繫馬春日暮白雲遶梁花
滿樓同遊星散樂難得重逢却怪旁人識
花隨塵土暗芳菲鳳閉樊籠摧羽翼
不須感舊爲淒然夢境悲歡能幾年
君看古來歌舞地梁園金谷成荒田

吳禮部詩話讀此可信

句

乘閒爲我弔李白醉臥江邊不復醒
當時錦袍照綠水今日孤墳秋

草生 當時超逸真絕倫皎如玉龍上天門朝馳峻坂飛正練暮浴
深淵浮素雲四蹄飽踏咸陽月滿身猶帶燕山雪祇愁元霧閼雄姿
未許清塵汗汗血 去年別爾雁南征今年迎爾春水生我心思爾
如江水回波相續無窮已君如鴻雁早驚霜方逐長風度千里

吳禮部詩話戴錫祖禹能詩因牧心推獎遂知名送白湛淵
教授宣城云云人呼戴綠水天馬圖云云人呼戴白馬送牧
心云云

盛彪

彪字元仁號虎林臨安人官至鎮江學正

挽陸秀夫

紫宸黃閣共樓船海氣昏昏日月偏平地已無行在所丹心猶數中

興年生投魚腹不見水死抱龍髯欲上天板蕩純臣有如此流芳青史更無前

吳禮部詩話陸秀夫抱幼主沈海諸公作挽詩惟盛元仁一章爲冠云云盛號虎林

盧亘

亘字彥威汲郡人元貞閒姚燧薦爲國史院編修官至翰林待制

送侍講學士鄧善之辭官還錢塘

之一世作
提舉鄧善之

十首

北門古深嚴論思寄籌度自非鴻才士

一世作

訓誥何由作夫君出巴

蜀文采動京洛十年掌絲綸擣藻揚景鑠荆璞抱瑾瑜龍淵淬鋒鐔肯獻上林賦寧居天祿閣卽今觀浙江眷戀晞金雀黃圖鬱紫氛絳

節生

一作

碧落依然難爲情清霜養

一作

飛藿

春秋嚴筆削凜若執玄鉞君獨抱遺經結髮飽剗劂明剖是非心微

探義理窟下視羣兒愚爭端王正月竭來奮直筆浩然心思竭

一作

王功與帝德昭昭日月揭胡爲厭詞林南

一作

欲觀溟渤榮華若浮

煙汗簡青不滅

詞林富聲華幾人得精悍悠悠三百年篇翰孰承繼夫君清廟器裸

薦盛圭瓚五就惜繇纓九旂載雲罕依依風向羽忽忽月新滿冷然

時雨情

一作

短章不可斷

風雨妒芳華稂莠深嘉穀天地豈不仁盛德稟命獨明廷萃羣英四
門延穆穆旣卜渭水釣又起傅巖築聲華何岌嶮衆輻輳一轂鑿坡
儼清韻碩人歌在軸願言往從之星駕命宜夙豈知彼玄鳥戢翼辭

雲屋幸無素絲悲庶免窮途哭

離離天星高皓皓雲月光候鴈過楚澤蟋蟀鳴中堂天時諒難測徒
然多感傷念子去意遠沈憂結衷腸憶昔初奉歡露白春蘭芳清尊
罷新製妙趣深濠梁飛景急西匿川流浩湯湯玄髮淒歲晚木脫天
雨霜蔓草豈容惜松柏在高岡

翰林子元子武庫森戈矛英聲邁千古逸韻橫九州與君契金蘭投
分何綢繆清和謝夷惠典刑追韓歐坐令人文煥允塞昭王猷念君
獨遠邁寥落行人愁木瘦楚山曉風靜寒江流何當駕飛車却憶昆
侖丘塵埃滿腥腐朝莫同蜉蝣

暘谷上寒日影射扶桑枝瞬息及中天流光迅難持人生百年內昂
昂何所施孤鴻東南征浮雲西北馳可憐萬感身會合須臾期安得

弄明月皎皎遠憂疑折花芙蓉浦蕩槳江濱涯優游以卒歲身名良
不墮

雲鱗游蒼穹闔闔不可叫徒令虎豹關日月近輝耀濛濛八表塵隱
隱萬葉竅泯然一歸途伊誰執其要栖栖聖者徒禮樂懷幼眇閉門
忍朝飢風雨深蓬蓼今年江海去光景短螢燭禾黍滿故墟閭巷餘
返照揮絃送飛鴻古今入長嘯

昔我適吳會日夕承歡顏高堂樂起舞綵服何嫋嫋東海洶波濤西
湖翠煙鬢北歸餘十年謬蹟通朝班家禍一朝集音容何可攀悲號
蒼穹迴往事思日艱命窮時亦迫志弱體自孱安得騰化術從君超
人寰執手不忍訣臨風涕空漣

我留君勿思君歸我當憶十年膠在漆一旦各異域吳江激微波震

澤起暝色鷗鵬隔天地雁鷺雜南北念我平生友愴恨摧胸臆獨看
燕山雲歲莫日初昃永言長風翔情寄南風翼

詩藪盧彥威送鄧文原十首雖格調規倣唐人而氣骨成就
意象老蒼其中合作數篇足爲元五言翹楚而不甚知名

袁桷

桷字伯長慶元人大德初薦爲翰林國史院檢閱官官至侍
講學士諡文清有清容居士集

研北雜志袁伯長學士博聞洽識江左絕倫謂張伯雨曰宋
東都典故能以歲記之渡江後事能月記之

子昂逸馬圖

神駿飄飄得自閒天池飛躍下塵寰青絲絡首誰收得留與春風十

二閑

清容居士集通叟狀元以秘書滿職言歸泊然若無營者桷
舊與殿廬詳定得通叟卷氣完以充議者爭緘口今其南歸
以子昂畫馬求言愴然以別吾徒之責深缺然矣至治元年
八月二十九日桷書

昌上人游京師欲言禪林弊事甫入國門若使之去者昌余里
人幼歲留吳東郡遺老及穎秀自異者多處其地以予所識聞
若承天了天平恩穹窿林開元茂皆可依止遂各一詩以問訊
虎邱永從游尤久聞其謝世末爲一章以悼六首

人說江湖少舊僧懸崖高挂一枝藤采苓欲取千年魄擊石曾烹六
月冰天上星辰端歷歷胸中樓閣自層層相逢止說前朝事知是松

源第四鐙

青鞵高挂天平壁指點雲門三兩峰禪榻已容黃葉覆詩瓢從把碧
苔封曉風殘月千村櫓細雨疎燈隔水春我向京城疑老盡吳山清
淺越山濃

獨木山寮不出門一餅一鉢送朝昏巖迷鳥跡千崖泣松吼龍吟萬
壑奔掩息端如雞抱子愛閒屢見竹生孫海門月落寒潮急準擬乘
槎與共論

玉几峯頭第一枝老禪吃吃我深知曾將鐵杵敲冰骨似怪鉛刀割
蜜脾法外無心猶涉解句中有眼卽成疑加沙不展蒲團穩此是開
元妙總持

我識虎邱三十年精神霄漢鵲張拳機當危處卽燒印語到盡時難

續弦路涉兩歧空有泣溪流一滴竟無傳雙峰古樹蒼篁冒時有子
規啼徹天

山人歸去意何如八尺方牀自卷舒側岸採茶敲石火隔峰剪竹溜
清渠碧潭印月菱花鏡白雁橫空貝葉書後日相逢定何處不于吳
下卽康廬

戴九靈集此六詩袁文清公爲商隱師作也元之盛際文清
以學問詞章名震天下而片言隻字人視之如圭璋珠貝願
一覩之而不可得然獨於商隱無所愛吝如此則商隱必有
大過人者按商隱乃龍山永樂寺僧文清嘗與同參橫川和
尚橫川時住玉几山之育王寺雲頂源師虎邱永師亦與之
同參詩中所言玉几雲頂虎邱者蓋指此三人也此詩今爲

商隱法孫本歸所蓄間出以相視余祝之使藏諸名山庶千
百年知商隱之結交文清猶如佛印之於東坡靈源之於山
谷文清與商隱同里閭

觀真文忠公畫像

羣賢輔絕學嵯峨武夷峰熒熒方瞳光汲汲汗簡中緬裏文明初蒼
珮極匪躬執筆侍玉署妙語工彌縫飛塵變蒼狗潛淵閟游龍空餘
經濟心勞徠飢飛鴻濁水投神膠揚清乃奇功喬松不並世寒飈轉
秋蓬生世我已後正緒遺顓蒙惕然拜公像斯道非終窮

曾大父樞密越公嘉定辛未與先生同官奉常寶慶初同爲
侍從先生被黜先公亦以論邊事去國獲拜遺像并識于后

王忠簡公嘉定入朝曾大父越公獲隨班著暨端明公嘉

熙間以西山先生門人敬歷麾節先公則已捐館桺向遊學
姒女得拜端明公之次子令尹道家世遺事纒纒不絕口今
復見其孫中伯于鄞喬木摧落桺深爲此懼瞻仰西山先生
遺像因敘事契并以自勵亦以勉夫中伯

仲章詩律大進數日道中論詩亦頗相合復次前韻以勉之

氣剛屈賈欲平揮格律論詩要有歸石髓定成千歲乳藕絲空綴五
銖衣寒原草盡蒼鷹攫涼月松陰白鶴飛從此窮河天已近還家何
用詫支機

元詩選此下尙有次韻詩三首題云仲章詩律已入唐人風
調而下語猶未馴妥殆類唐人過橋斷橋之意近世學者類
有此失仲章德業遠大當不若是此殆其弄翰也其詩中警

句如苦心欲寄千年簡妙語誰傳半夜衣麒麟瑞世非關走
鵬鶚呈空不爲飛俱見古人相勉之意

袁袁

袁字德平與桷爲族兄弟善書法隱居沙家山常作求志賦
以敘次先世遺業詩多失傳有聯句諸作

東湖聯句

舊學蕪三史新居隘一廛煎熬魚煦轍奔竄鳥驚弦擬整登山屐

伯

長

須乘破浪船出關塵已遠

德平

過埭意爭先歸舶攢桅聚

伯長

浮

梁斷鎖懸潮渾江葑沒

德平

陸破岸藤纏戍柵依樟密

伯長

官堤砌

石平機閒蠶喚織

德平

砧響雁傳箋乍靜喧煩耳

伯長

猶欣輾轉眠

鵲橋華屋廢

德平

鵲匯曲河連稻實閑農具

伯長

嵯巖絕竈煙急裝

紅蔽膝

德平

辨髮黑垂肩估客編文貝

伯長

邨家緯木棉生涯疲剝

割

德平

世路窘迤邐龕室休行客

伯長

郵亭歎逝川鞬鷹圍獵罷

德平

聯騎縱遊旋路轉分支港

伯長

川明幻別天鄧城花已暗

德平

甬

水恨空傳數堠搜唐刻

伯長

題詩紀宋編會堂夫子像

德平

汲井隱

居泉海眼藏龍窟

伯長

山心射鹿田水鳴知權急

德平

岸走訝途遷

隱見岡巒近

伯長

低昂橘柚鮮青山猶五里

德平

綠樹已千年歸犢

如雲擁

伯長

閑花似火然苧裳遊女淨

德平

蘆管野伶妍繫纜披團

壑

伯長

循溪舍竹篴徑香幽菊傲

德平

土薄假山偏鐙火精廬古

伯

衣冠故物全登門論子姓

德平

對坐敍姻聯金魄篩窗影

伯長

丹

砂養井淵螢飛光熠熠

德平

鶴唳翼涓涓斗室橫烏几

伯長

方牀藉

素氈魂清時入夢

德平

意得竟忘筌過墓成局戶

伯長

遶湖復扣舷

滄洲迷秀麥

德平

眞隱拱朱椽碧洞諸天杏

伯長

蒼珉帝畫鐫梯危

頻縮武

德平

像寂且擎拳紫府商霖歇

伯長

丹書漢澤宣銅鋪苔暗

蝕

德平

經度燕新穿倦鳥辭枯柳

伯長

游龜戴旱蓮古奩開漱灑

德

平

斜穀縹漪漣淤塞菱排劍

伯長

洲乾蓼糝鈿官徵都尉粟

德平

漁

納水衡錢王絕山靈泣

伯長

祠荒野老憐紙旗鄰社閭

德平

草廣曲

河填此去眞聊爾

伯長

斯行信偶然柏幽藏魍魎

德平

潭黑袞蛺蝶

雅興呦呦鹿

伯長

勞生跼跼鸛攬芳眞啗蔗

德平

寫絕擬和鉛轍跡

蕪菁翳

伯長

麻綦臬耳緣貞娥鬱龍虎

德平

胄相紹貂蟬宰木分神

隧

伯長

思亭列石筵風霜翁仲老

德平

香火釋迦專楚些招歸魄

伯

長

王官慨昔賢拜峰誰控勒

德平

篆水自書玄屈曲東西路

伯長

縱

橫南北阡鱗華眸轉電

德平

得失口垂涎絮酒悲宗老

伯長

囊經想

地僊房溫連梵唄

德平

市近接腥膻破露生衣溼

伯長

登坡弱足胼

臥牛遺扁暗

德平

眠鹿繪容虔金刹從茲訪

伯長

塵纓合少蠲伐山

靈運躁

德平

衝雪子猷顛檜煖蜂偷蜜

伯長

蘆寒鳥啄綿蟹稀整數

百

德平

樵夥斧論千淡日收人影

伯長

空嵐漲土埏蒲葵遮望眼

德

蘭紙論吟篇除道家僮嬾

伯長

偷程地主僂蟻封徒曲折

德平

駒

隙漫拘攣碎石行行直

伯長

修篁个个圓深叢驚雉翠

德平

夾徑聳

楠榭濯錦芙蓉艷

伯長

飄香桂子駢雕楹回袂道

德平

斜閣布陶甑

刻畫功難盡

伯長

羣飛勢欲翩奉常陳劍履

德平

尙服錫紘綖幘幘

鮫人網

伯長

帷凝劇國旗妖姝汙粉頰

德平

土偶聳高顙祛石當時

力

伯長

臨淵昔日權只今留舊業

德平

何處覓幽禪燕頤風雲會

伯

龜趺日月躔蛛窠緣袞服

德平

鼠跡上朱籩累僕供朝沃

伯長

因

僧進午餐佳城蹲五鳳德平素業廢三鱣勝已窮蘭若伯長名猶慕

偃伶臺空霞珮冷德平殿寂羽幢蕤觀主何年住伯長眞官永世鍵

畫梁誰復葺德平美蔭久頻腴木已非眞李伯長僧宜賤壽錢悲來

雲羃羃德平恨極水潺潺重嶺藏椒屋伯長斜暉指蕙櫺暫歸心未

穩德平欲去眼空眩憶昔窮誅闢伯長如今猛棄捐慈山名轉赫德

平困塙恥誰湔積翠林霏悄伯長流波海月娟遠鐘催宿鳥德平橫

笛挂烏犍拄笏風騷曼伯長攜壺主僕牽情懷同黍醴德平臭味比

香荃圓澤休論舊伯長華胥復記前乳彪號澗側德平哀狖嘯雲巔

惇族盤餐盛伯長通家笑語闌鵲歸漿熟德平舳舻逆風沿濟勝

應難促伯長臨流且賦遄鴟夷歌逝矣德平漁父卜終焉紫槿遮籬

角伯長丹楓壓廟堧鍊形金骨化德平團礎土砂堅破屋啼山鬼伯

荒碑立老鶴歲時差野賽

德平

水旱禱靈筭西帝澄金字

伯長

東

湖鑄玉璫涼颺舟泛泛

德平

晴日草芊芊射鴨紫長弋

伯長

叉魚擊

短鋌酒廬橫矮甕

德平

屠儿斫肥脔街市僧袍麗

伯長

招虛販鼓齎

登臨難婉戀

德平

想像費平銓更欲南窺海

伯長

誰能北跨燕同心

雙繭緒

德平

狗俗走珠蟻朗鑒詞聯寫

伯長

玄談茗更煎翔翔誠放

浪

德平

制句類狂屏已乏凌雲句

伯長

時思縮項鰻還家如夢寐

德

平共點曉霞邊

伯長

清容居士集九月望日送姊歸余氏先塋之廬登其高祖少

師墓相傳爲外高祖忠定王所相余氏之興兆于此支壟爲

尙書公墓亦爲佳兆十六日早發遵山行一二里拜外舅之

考待制公守墓僧畏祇迎閉關叩之終無人聲山勢左行清

興未已借余庵舟過東湖上外曾祖忠宣公滄洲堂故基悽
惋久之舟上埭余與德平行至月波忠定王所建寺後有洞
像補陀示相舍舟登葉夫人入行太師墓又上五祖堂觀招
魂辭莫抵鹿野拜正肅公祠奠永州几筵行久殊爲疲勞是
夕德平抱兒相示眉宇修廣予許以永大十七日平明過種
德拜正獻公墓讀楊文元公碑庵僧洒然非鄭氏庵比是日
德平攜壺同庵僧指游領大慈七山有僧年七十餘能道嘉
定紹定閒事示忠宣公所製滄洲堂上梁文益重遠想拜忠
獻王墓歸復宿鹿野嚴君命以十八日歸歸游鮑王祠日已
昃余親翁病瘡復留宿詩成凡一百二十韻鯨華感慨悉紀
于詩詞雖不工然二人綴緝之勤有不可不示于好遊者用

識于後云己丑十月某日桷書

鄧椿

椿號覺非叟

題水村圖

向來寓意思卜居住處只今成畫圖胸中本自渺江海主人相浼寫分湖

鷗鳥難渝舊約湖山不改清秋人自與波上下我其卒歲優游

珊瑚木難題前詩竟復得六言一首併書其後

餘詳錢仲鼎下

吳延壽

延壽號梅塘

前題

村南村北樹濛濛
秋水清涵野色空
道外俗塵飛不到
似移家住畫

圖中

詳錢仲鼎下

顏天祥

前題

疎柳平蕪落雁飛
斷橋斜日釣船歸
江天萬頃秋如畫
一笑人間醉

墨非

同上

錢資深

資深字原父仲鼎子

前題

屋後青山門外溪
疎疎蘆葦壓漁磯
地緣清絕人堪愛
長是三春雁

不歸

同上

林宏

前題

青山橫陳水縈浦
饑鴻高超漁設罟
中有幽人坐環堵
晚風吹斷蘆

花舞

同上

葉齊賢

齊賢字

松陵人

前題

坐牕不邀呻蠹竹
兀兀那知髀生肉
眼明見此水邊村
浣我胸中塵
百斛荒山寂歷蒼
煙斜驚風颯颯鳴
蒹葭平沙暮寒羣
雁起垂柳掩
映幽人家風流王
孫摩詰手妙處端
如神所授等閒點
綴皆精妍怪
底秋光生戶牖
我家本住松江濱
恍然一見融心神
他年卜築遂君

村南村北樹濛濛秋水清涵野色空道外俗塵飛不到似移家住畫

圖中

詳錢仲鼎下

顏天祥

前題

疎柳平蕪落雁飛斷橋斜日釣船歸江天萬頃秋如畫一笑人間醉

墨非

同上

錢資深

資深字原父仲鼎子

前題

屋後青山門外溪疎疎蘆葦壓漁磯地緣清絕人堪愛長是三春雁

不歸

同上

林宏

前題

青山橫陳水縈浦
磯鴻高超漁設罟
中有幽人坐環堵
晚風吹斷蘆

花舞

同上

葉齊賢

齊賢字

松陵人

前題

坐牕不邀呻蠹竹
兀兀那知髀生肉
眼明見此水邊村
浣我胸中塵
百斛荒山寂歷蒼
煙斜驚風颯颯鳴
蒹葭平沙暮寒羣
雁起垂柳掩
映幽人家風流王
孫摩詰手妙處端
如神所授等閒點
綴皆精妍怪
底秋光生戶牖
我家本住松江濱
恍然一見融心神
他年卜築遂君

志留取青山容散人

同上

陸桂

桂字

吳郡人

前題

牛馬百川獨渚鳥鳶羣木西村天地四方黃鵠先生秋雨柴門

忽有滄浪鳴笛飛鴻黃葉雲深想望美人秋水卷簾隱几何心

同上

從大

從大姓未詳元詩癸集戊上有潘從大宛陵人不知卽此人

否

前題

錢子守道殊自適某水某丘藏袖中有時對客且舒卷坐我絕境煙

波空參差老雁忽飛起微風欲拂蘆葦叢灣碕寂寥懸網罟夕陽隱約歸漁翁遠山近山雲漠漠前村後村水重重適從何來蕩雨槳岩崖浦溆遙相通深林蔽虧八九家竹籬茅戶既不同青天白日機事息樂此耕飲得古風誰言見畫獨幻影我欲振衣卽往從因思輞川著摩詰復想嵩山棲廬鴻只今好事空見畫山川緬邈悽遺蹤

同上

黃肖翁

前題

幽人心地本脩然此境相諳七十年茅屋數椽依約外雲山一抹有無邊眼前生意今林屋筆底秋風古輞川勝景有餘描不盡歸鴻幾

點落寒煙

槩山黃肖翁

東南仲

前題

空林有影連山遠流水無聲帶雁寒自是漁樵真樂處不知圖屋與

誰看

東南仲

孟淳

淳字

漢東人

前題

茅舍竹籬山掩映蒹葭楊柳水縈紆漁人定指扁舟路歌客應尋隱

者徒

漢東孟淳

以上錄珊瑚木難

元詩紀事卷十一

侯官陳衍緝

虞集

集字伯生蜀郡人宋丞相允文五世孫父汲僑寓臨川之崇仁大德初薦授大都路儒學教授官至翰林直學士兼國子祭酒奎章閣侍書學士諡文靖有道園學古錄

元史早歲與弟槃同闢書舍爲二室左室書陶淵明詩於壁題曰陶菴右室書邵堯夫詩題曰邵菴故世稱邵菴先生

東山存稿嘗欲取太原元公中州集遺意別爲南州集惜篇目雖具而書未及成

五雜俎虞集未遇時爲許衡門客虞有所私午後輒出許每

往不遇病之因書於簡云夜夜出游知虞公之不可諫虞歸見之卽對云時時來擾何許子之不憚煩許大歎賞因薦於朝

滄浪詩法李仲元御史云豫章三日新婦揭浦城百戰健兒楊蜀郡唐臨晉帖虞清江漢法令師范馬仲常云揭君典重楊君雄渾虞君雅麗范君清高

詩藪虞文靖學杜閒及六朝

詩話類編伯生在宜黃時嘗倚樓吟詩有五更鼓角吹殘雪句忽隔溪一童揖而言曰角可吹鼓不可吹亟命召之已失所在蓋詩鬼也

送袁伯長扈從上京

日色蒼涼映赭袍時巡毋乃聖躬勞天連閣道晨留輦星散周廬夜
屬橐白馬錦韉來窈窕紫駝銀瓮出蒲萄從官車騎多如雨祇有楊
雄賦最高

蜀中詩話虞伯生先生楊仲宏先生同在京日楊每言伯生
不能作詩虞載酒請問作詩之法楊酒既酣盡爲傾倒虞遂
超悟其理繼有詩送袁伯長先生扈駕上都以所作詩介他
人質諸楊先生先生曰此詩非虞伯生不能也或曰先生嘗
謂伯生不能作詩何以有此曰伯生學問高余曾授以作詩
法餘莫能及又以詣趙魏公詩中有山連閣道晨留輦野散
周廬夜屬橐之句公曰美則美矣若改山爲天野爲星則尤
美虞深服之嘗有問於虞先生曰仲宏詩如何先生曰仲宏

詩如百戰健兒德機詩如何曰德機詩如唐臨晉帖曼碩詩如何曰曼碩詩如美女簪花先生詩如何笑曰集乃漢廷老吏蓋先生未免自負公論以爲然

案此則詩話本輟耕錄與李元仲說小異

送程以文兼簡揭曼碩

故人不肯宿山家夜半驅車踏月華寄語旁人休大笑詩成端的向誰誇

堯山堂外紀揭聞三日新婦之語不悅嘗中夜過伯生問及茲事一言不合揮袂遽去後以詩寄伯生奎章云云伯生得詩謂門人曰揭公才力竭矣就答以詩故人云云并題其後云今日新婦老矣揭召至都果疾卒

江西通志虞文靖公嘗作范德機詩序有云當時中州人士
謂清江范德機浦城楊仲宏豫章揭曼碩及集四人詩爲四
家且以唐臨晉帖喻范百戰健兒喻楊三日新婦喻揭而喻
集爲漢廷老吏序出適揭公歸省墓見之大不悅遂往臨川
訪虞公旣相見言及茲事虞公曰誠有之非集之言中州人
士之言也非惟中州人士爲然亦天下之通論也揭公拂然
遂卽席告別虞公堅留不得竟駕小車而還旣別去揭公乃
於天歷年間以四詩寄虞公中有奎章分署隔窗紗學士詩
成每自誇之句公得詩謂諸門人曰揭公此詩甚佳然才竭
已就以所寄詩題其後答云今日新婦老矣復因送人有寄
揭公云云案通志本堯山堂外紀而小異但德機詩序實揭

所作述虞評云爾

訪杜宏道長史不值道中偶成

雨過輕塵道未乾
朝回隨處借花看
牆東千樹垂楊柳
飛絮來時近馬鞍

與趙子期趁閣

日出風生太液波
畫橋影裏綵船過
橋頭柳色深如許
應是偏承雨露多

歸田詩話邵庵退朝口號云云
少日在四明從王未載先生
學詩先生舉此詩數首云
細讀而詳味之與醉後厭飫珍羞
而食宣州雪梨相似爽口可愛也

聽雨

屏風圍坐鬢毵毵銀燭燒殘照暮酣京國多年情盡改忽聽春雨憶江南

歸田詩話虞邵庵在翰林有詩云云又作風入松詞云畫堂紅袖倚清酣華髮不勝簪幾回晚直金鑾殿東風軟花裏停驂書詔許傳宮燭輕羅初試朝衫御溝冰泮水拖藍紫燕語呢喃重重簾幙寒猶在憑誰寄錦字泥緘報道先生歸也杏花春雨江南蓋卽詩意也但繁簡不同爾曾見機坊以詞織成帕爲時所貴重如此張仲舉詞云但留意江南杏花春雨和淚在羅帕卽指此也

挽文丞相

徒把金戈挽落暉南冠無奈北風吹子房本爲韓仇出諸葛安知漢

祚移雲暗鼎湖龍去遠月明華表鶴歸遲何須更上新亭飲大不如
前灑淚時

輟耕錄讀此詩而不泣下者幾希

元詩選楊鐵崖洪武初不赴召詩子房本爲韓仇出諸葛寧
知漢祚開全用此詩領聯列朝詩集所載一本云商山本爲
儲君出黃石終期孺子來豈鐵崖知襲用前人之非後乃自
改耶鐵崖豔詩有全寫韓冬郎者英雄欺人不可以訓偶因
此詩而并及之

滕王閣

天寒高閣立蒼茫百尺闌干送夕陽秋雨魚龍非故物春風蛺蝶是
何王帆檣急急來彭蠡車蓋童童出豫章燈火夜歸湖上路隔籬呼

酒說干將

麓堂詩話虞伯生滕王閣詩其曰天寒云云曰燈火云云信非伯生不能作也

三鳳行贈海東之還江南

海東之兄弟三人如鳳凰胸臆羽翮皆文章九年三入天門翔伯冲天季驚人一日四海皆知名東之之文五色雲見者眩晃生眇昏三進三已之了若耳不聞二人得之喜未足云東之不愠乃可尊束書江上還見親君子之樂樂足真君不見匡廬之山曾萃而嵯峨左界豫章渚川匯爲蠡鄱其陰浩浩源導岷經潛沱山氣鬱蒼不得去上衝爲紫蓋直與天相摩爲雲覆八極爲雨漲九河海東之子能觀山以成德其進蓋未可量也偶爾小屈奈爾何

詩法正論此以比興爲轉者也

次韻竹枝歌答袁伯長三首

沙禽東去避網羅
蕩舟相逐如遠何
越山青青越女白
從此勞人魂夢多

春江風濤苦欲歸
東盡滄溟南斗低
明年白日百花靜
憶爾琴中烏夜啼

燕姬當爐玉雪清
簫中吹得鳳凰聲
不及晴江轉柁鼓
洗盞船頭沙鳥鳴

西湖竹枝集雖不爲西湖而賦而其音節興喻可以爲竹枝之則云

陳可復爲予寫戴笠圖賦詩四首

浮雲滿空無所依高岡獨行來者稀仙人冉冉遺松老鳴鹿呦呦生
草肥伐木遠聞何處谷頃筐近得故時薇山中雨來霧先合此日先
生戴笠歸

南園多竹暑氣微始來結屋相因依掛巾石壁晝霧濕沐髮池水朝
陽稀頻年車馬殘霜雪六月裳衣無綵絺鄰翁問舊坐來久此日先
生戴笠歸

老去懸車百慮灰西風獨愛菊花開田家酒熟邀皆去茅屋詩成懶
更裁欲及天清浪沆瀣要觀日出上蓬萊赤松有約應相待此日先
生戴笠來

捨却鄉人駟馬車老身全不要人扶雲霄一羽山頭杜風雨孤村海
上蘇薄命長鑣隨積雪多情破帽落輕烏莫圍玉帶垂朱紱此是先

生戴笠圖

東山存稿邵菴先生戴笠圖畫者陳可復先生表姪也所題詩四章後既改第二章好事者復請先生小字別書以刻諸石流傳頗多而行字韻一章則傳者未之見也第四章結句云此是先生戴笠圖是字闕下半體由懸手書筆不著紙病目後作字若此者多矣先生家素貧仕雖顯因食指衆俸入初不自給所居臨川之崇仁負郭有田一頃餘迺夫人趙氏存時蠶績奩具所置者懸車後歲收僅支數月鸞服犀帶金帶各一時入鄰里質庫中四方來見之士道路相望坐上常滿其束修乘壺之入羔雁之贄與夫碑版之義取還以爲賓客費雖空乏弗恤也每風日清好則領賓客從以門生子弟

山僧野老徜徉山水間一日出游遇雨借笠田家戴之乃得
還戴笠有圖以此先生平居口未嘗言貧而詩中薇字絺字
二韻頗紀其實

題高彥敬尚書趙子昂承旨共畫一軸爲戶部楊侍郎作

不見湖州三百年高公尚書生古燕西湖醉歸寫古木吳興爲補幽
篁妍國朝名筆誰第一尚書醉後妙無敵老蛟欲起風雨來星墮天
河化爲石趙公自是真天人獨與尚書情最親高懷古誼兩相得慘
淡酬酢皆天真侍郎得此自京國使我觀之三歎息今人何必非古
人淪落文章付陳迹

輟耕錄高文簡公一日與客游西湖見素屏潔雅乘興畫奇
石古木數日後文敏公爲補叢竹後爲戶部楊侍郎所得虞

文靖公題詩其上云云此圖遂成三絕矣

題東坡墨蹟後

祇今誰是錢塘守頗解湖中宿畫船
曉起鬪茶龍井上花開陌上載
嬋娟

老却眉山長帽翁茶煙輕颺髻絲風
錦囊舊賜龍團在誰爲分泉落
月中

三生石上舊精魂解后相逢莫重論
縱有繡裳留別恨已無明鏡着
啼痕

能言學得妙蓮華贏得春風對客誇
乞食衲衣渾未老爲題靈塔向
金沙

鐵網珊瑚丹邱柯敬仲多蓄魏晉法書至宋人書殆百十函

隨以與人弗留也他日獨見此軸在几格間甚怪之及取觀
則吾坡翁書蔡君謨夢中詩及守居閣中舊題也第三詩以
爲不知何人作其軒轅彌明之流與陳太守放營妓三詩亦
辱翁翰墨流傳至今亦有緣耶卷後多佳紙敬仲求集作詩
識其後賦此四首是日試郭岷墨但目疾轉深不能復作字
又知年歲後雖若此者亦尙能作否臨楮慨然至順辛未二
月望日蜀人虞集書

贈朱萬初四首

霜雪摧殘澗壑非深根千歲斧斤違寸心不逐飛煙化還作玄雲繞
紫微

道園學古錄自注近世墨以油煙易松滋媚而不深重萬初

既以墨顯得真定劉法石刻墨法以爲劉之精藝深心盡在
於此必無誤後世因覃思而得之蓋取千百年摧朽之餘精
英之不可泯者乃用之非常松也嗚呼孰肯舍易而求難必
求古人之成法而後盡其心者乎

珥貂鳴佩入明光新墨初成進御床草野小臣春夢短猶懷染翰侍
君王

道園學古錄自注天歷己巳天下大定中外又安天子始作
奎章之閣於宮廷之西日親御翰墨時榮公存初康里公子
山皆近侍閣下以朱萬初所製墨進大稱旨得祿食藝文之
館其名藉甚邈在草野豈勝千古之思乎

延閣晨趨接佩聲又紆朱紱向江城丹心要似東陽水釀作宮壺徹

底清

道園學古錄自注朱萬初以藝文直長以年勞恩賞出佐帥
幕南海轉丞東陽東陽文物之邑俗第以名酒歸之豈其山
川之望哉韓文公譏丞不負余余負丞今丞凡邑之風俗教
命刑獄科賦無不得言言之當無不可行存乎其人而已萬
初勉之

頗愛燒香是鼻塵不應緣黷又勞人方床石鼎過清晝一縷山靈伴
老身

道園學古錄自註深山高居爐香不可闕退休之久佳品乏
絕野人爲取老松柏之根枝葉實擣治研楓肪和之每焚一
丸亦足以稍助清苦久亦不復爲今年大雨時行土潤溽暑

特甚萬初袖致土速數斤空齋蕭寒遂得爲一日之供亦可喜也

次韻陳溪山紅梅

冰雪肌膚染絳雲歲寒林下對吟身先天氣至渾如醉初日光融轉更新白髮無能酬造化金丹有道駐長春少年莫笑詩成處傾倒相歡忘主賓

春曉紅生島嶼雲此中儘著兩閒身不愁花笑髮鬚白漫詫人閒句法新曲水徘徊天上日深杯斟酌自家春繁英未落須頻到翠實金盤尙及賓

雪後孤根發暖雲栽培本自一人身紫薇遺意成千古絳萼深期又一新忠厚敢忘嘉樹賦冲和思廣北枝春若爲穉子猶堪教三祝三

加望大賓

道園遺稿原註來章末句有屬幼兒之意先生屢言先君子植紫薇于堂前賦詩屬望小子豈人不之許也頽仰五十年委身田野莫稱先志集感歎成賦云

書蘇公帖後

蘇木空聞蜀賈舟韞材還復望袁州畫義猶是黃岡竹細和陶詩飽卽休

道園遺稿原註坡翁謫黃州皆月用四千五百錢日用不過百五十而猶有餘以待賓客蓋歲六十千耳今謫惠歲用須二百千蓋三倍矣日食萬錢者何人哉士君子不以窮乏累其心而區畫亦盡人事皆中禮之所爲也夫子在陳蔡以子

路之賢不能無愠見然處約之道君子小人之分見焉微子
路無以發聖言矣觀蘇公此帖思當肯之爲此厲階者爲之
三歎

題贈葉梅野

原序

近代楊補之作梅自負清瘦有持入德壽者內中頗不便于
逸興謂曰村梅補之因自題曰奉勅邨梅集嘗見故家有藏
徐熙墨杏花者用筆圓潤有篆籀法亦恨楊不能如此也今
監書博士丹邱生忽用此法寫生大快人意存渾厚之意于
清真去衰陋之氣于纖弱所以爲佳也譬如少陵繁花晴昊
之雄壯視昏月淺水爲如何耶樂平鍊師葉凱翁舊號野梅
予曰以野標梅未足盡梅之趣以梅名野庶乎廣莫之風請

更曰梅野而以丹邱之畫冠之永作證據使錢塘臨江二君
聞予此論猶當俯首嘆服也虞集書

昔結絲絢侍帝宸青鞋今許向江津憑君先對梅花說白髮相看意
更深

道園遺稿自註初凱翁先欲南還欲僕作詩送行而僕今先
有行色故爲題此爲他日一笑之資也

題胡徵君器之和陶軒

春木晨榮秋華夕滋流雲行天逝者如斯柴車葛巾曷能歸來我懷
古人徒誦其詩有美君子尙友先覺靡觴不詠無詠不屬豈無他人
孰此追躅優哉遊哉君子之樂吾儕小人力絀乃休猶可以馳曷其
停輶卷舒無悶入聖實優敢以未成竊方前修祖德之述尙論其世

我獨何無夙墜羈縻聞君贊歌祇以生愧既曰知非請勛餘歲

道園遺稿自註集讀書中山告草屋三間以紙糊其壁舍弟
仲常爲書邵子諸詩于東謂之邵菴書陶詩于西謂之陶菴
吳先生見而歎之以爲世內無窮之悲世外無窮之樂也

朱秀之杞菊軒

高軒何所植杞菊交根枝紫實既秋熟黃花亦晚滋嘉名信共愛何
以療予飢此邦號富庶士賈志懷資蕭條山石閒誰復見惇嫠遺脫
兼并餘椎剝無完肌縱彼百晦受豈得安耘耔種此跬步內庶無征
奪思探擷勿違節烹茗貴有宜三咽可千歲逍遙奉天隨

道園遺稿自註集游吳中因省墓山閒頗見田野有可念因
贊高軒之樂而及之庶觀風者之有采而知之者

予少年過薊門酒樓賦此題曰連十八書郡人疑其爲呂洞賓作也謾記於此

耳目聰明一丈夫飛行八極隘寰區劍吹白雪妖邪滅袖拂春風槁
朽蘇氣似酒酣雙國士情如花擁萬天姝如今一去無消息只有中
天月影孤

草木子當時皆以爲呂洞賓作也爭傳誦之

記夢

夢行衡廬間千仞過蒼壁崇高仰神明深廣下不測雲雨蓄盤礴時
至如欲出綑縕尙回旋揮霍忽奔逸物怪匿巖穴懔若俟霹靂黑波
汎高樹木葉走崩石升身登玄閒縱觀龍變迹俯視九州野草木有
輝澤乃在風雨外手畫素三尺揮豪極動盪落墨更沈鬱圖成示坐

人共笑不可得顧瞻以踟躕恍惚增歎息因之命肩輿出門聊有適
大術何舒舒白鶴從數客略經幽澗濱便上青松側憑高望遠水雙
景蕩虛碧拂石共客坐芳草藉尻膝忽然聞鐘聲睡覺北窗席

元詩選道園外祖楊文仲守衡州井齋依之時未有子文仲
爲禱於南岳遂生道園文仲夢一牙兵持刺入曰南岳真人
來見既覺聞兒啼聲因命小字曰衡道園自言少時嘗夢遊
南岳歷覽其奇勝頗能記憶焉

金人出塞圖

海風吹沙如捲濤高爲陁磧深爲壕築壘其上嚴周遭名王專居氣
振豪肉食湏飲田爲遨八月草白風颼颼馬食草實輕骨毛加弦試
弓復置櫜今日不樂心慄慄什什伍伍呼其曹銀黃兔鶻明繡袍鷗

鳩小管隨鳴靴背孤向虛出北皋海東之鷺王不驕錦鞢金鏃紅絨
條按習久蓄思一超是時晶清天翳絕駕鵝東來雲帖帖去地萬仞
天一瞥離婁屬望目力竭微如聞音鷺一掣束身直上不回折遂使
孤飛一片雲頃刻平蕪灑毛血爭誇得雋頓足悅挂兔懸狼何足說
旌旗先歸向城闕落日悲風起蕭屑煙塵滿城鼓微咽大酋要王具
甘歡王亦欣然沃焦熱闕支出迎騎小鐵琵琶兩姬紅顰頰歌舞迭
進醉燭滅穹廬斜轉氍毹月

詩藪雄渾流麗步驟中程

題柯敬仲雜畫十首

北苑今仍在南宮奈老何青山解浮動端爲白雲多
雨過蒼苔石雲生野岸泉幽懷春冉冉穉子秀娟娟

鐵石餘生色冰霜作曉妍春雷明日起何處尙龍眠
昔過篋簪谷鈎衣石角斜擬尋龍作杖拾得上天槎
黃金千瑣甲琬玉六簾鉤雨送鴛鴦夢煙籠翡翠愁
娟娟生玉潤楚楚作金聲羽扇迎風定羊車過月明
峽口春雲重江南夜雨多水深桃葉渡風急竹枝歌
平陸蒼龍起近山生遠煙前村三萬頃明日水平田
莓苔生石路翠竹自交加不惜青鞵濕臨流踏白沙
昨夜採蓮去偶逢三尺枯山人不到海不識是珊瑚

詳丁鶴
年下

句

古來篆籀法已絕祇有木葉雕蠶蟲

竹畫

貌得當時第一匹昭陵風雨

夜聞嘶

馬畫

賴得郇筒酒易醉夜歸衝雨漢州城

都成

麓堂詩話真得少陵家法世人學杜未得其雄健而已失之粗率未得其深厚而已失之臃腫如此者未易多見也

又

對竹聽湘雨開簾看岳雲 春雲山對屋夜雨水平橋 挂冠俄去國連舸總盛書 天光臨閣道雲氣轉蓬萊 詩藪元五言律可摘者虞伯生云云

又

雲橫北極知天近日轉東華覺地靈 帆檣星斗通南極車蓋風雲擁豫章

詩藪句格莊嚴詞藻瑰麗上接大曆元和之軌下開正德嘉靖之途

王克敬

克敬字叔能大寧人官至參政

題一錢太守廟

劉寵清名舉世傳至今遺廟在江邊
近來仕路多能者學得先生要大錢

輟耕錄一錢太守廟在紹興錢清鎮王叔能參政過廟下賦

詩云云

謝文質海牙

題酒家壁

脩雲淡淡抹山眉野水人家半酒旗
應是小梅開未已小舟撐月過

前溪

吳禮部詩話大德中有謝文質海牙者爲浙東廉訪僉事性嗜酒不飲則臨政精明市日者某形貌長大每飲引與對坐不交一談亦不與之酒醉則取劍舞弄衆避匿乃已嘗分司舟回二書吏從未至城數里宿舟中月明興動潛起登岸題一詩酒家壁云云去入山麓小寺登樓撞鐘僧皆驚起謝踞禪床大呼索酒貯以木桶跪僧於前以一白酌竟擊僧頂置其上酒盡困睡僧不敢去天明舟中失謝所在遙見堊壁題字書吏識之迹其所往逢道上樵者言寺中擾擾狀趨視則謝猶未醒須臾騶從至迎之乃去

范玉壺

錄鬼簿范居中字子正冰壺其號也杭州人父玉壺前輩名

儒假卜術爲業居杭之三元樓前每歲元夕必以時事題於燈紙之上杭人聚觀遠近皆知父子之名其妹亦有文名大德年間被旨赴都公亦北行

上都

上都五月雪飛花頃刻銀妝十萬家說與江南人不信只穿皮襖不穿紗

山居新話范玉壺作上都詩云云余屢爲灤陽之行每歲七月半郡人傾城出南門外祭奠婦人悉穿金紗謂之賽金紗以爲節序之稱也

小雲石海涯

小雲石阿里海涯之孫父名貫只哥雲石遂以貫爲氏號酸

齋官至翰林學士謚文靖有酸齋集

西湖游覽志貫雲石隱居錢塘一日郡中數衣冠士人游虎跑泉飲閒賦詩以泉爲韻中一人但哦泉泉泉久不能就忽一叟曳杖而至問其故應聲云泉泉泉亂迸珍珠個個圓玉斧斫開頑石髓金鈎搭出老龍涎衆驚問曰公非貫酸齋乎曰然然遂邀同飲盡醉而去

蟬精雋酸齋貫學士有蘭房六謔詩題曰柳眉星眼檀口酥乳纖指香鈎香鈎謂足也其意本東坡六憶詩來而酸齋則太淫麗矣

蘆花被

井序

僕過梁泊有漁翁織蘆花爲被僕尙其清欲易之以綢者翁曰君

尙吾清願以詩輸之遂賦果却綢

採得蘆花不浣塵翠簑聊復藉爲茵西風刮夢秋無際夜月生香雪
滿身毛骨已隨天地老聲名不讓古今貧青綾莫爲鴛鴦妒欸乃聲
中別有春

圭齋集雲石嘗過梁山灤見漁父織蘆花絮爲被愛之以綢
易被漁父見其貴易賤異其爲人陽曰君欲吾被當更賦詩
公援筆立成竟持被往詩傳人閒號蘆花道人公至錢唐因
以自號

鳳凰山休暑

路隔蒼苔卒未通泉花如髮玉濛濛蛟游海近雲窗濕蚊怯山寒葛
帳空高枕不知秋水上開門忽見暮帆東物華萬態俱忘我北望惟

心一寸紅

辭世詩

洞花幽草結良緣被我瞞他四十年今日不留生死相海天明月一般圓

七修類稿貫雲石生而神彩秀異膂力絕人及長折節讀書遂仕爲翰林侍讀學士後稱疾還江南賣藥於吾杭人無識者嘗休暑鳳凰有詩云云又臨終作辭世詩云云洞花幽草乃妾名也予舊有其集詩不滿百前律所未載也今北山棲雲庵乃藏修之所

王士熙

士熙字繼學東平人翰林學士承旨構子官至南臺御史中

丞有江亭集

竹枝詞

居庸山前溯水多白榆林下石坡陀後來纔度槍竿嶺前車昨日到
灤河

車簾都卷錦流蘇自控金鞍捻僕姑山間白雀能言語莫學江南唱
鷓鴣

西湖竹枝集竹枝本在灤陽所作者其山川風景雖與南國
異焉而竹枝之聲則無不同矣

題鮮于伯機與仇廉訪帖

三生文采趙公子四海聲名仇使君彈琴不作廣陵散焚香遙駐博
山雲玉署春來駕漫語繡衣人去雁空聞龍蛇兩紙光如玉卽是安

西與右軍

元文類原注其帖之語曰趙公子明日欲過寒舍看書畫廉訪相公能一來焚香彈琴亦佳趙公子子昂也後亦有跋帖廉訪字彥中今其子公哲御史寶藏此帖

柳貫

貫字道傳浦陽人大德間用察舉爲江山教諭官至翰林待制自號烏蜀山人

黃文獻集公之生也外大父俞公葵暨泗州府君同擢右科進士第因命之曰贅義取兩文易兩武贅於今文爲貫故公自署其名爲貫云

龍門

一溪瓜蔓流渡者云可亂屢涉途已窮前臨波始漫嚴嚴龍門峽石
破兩崖半沙痕深尺餘灣洄觸岸它山或澍雨湍漲輒廉悍頃刻
漂車輪羈絡不能絆其源想非遠衆水自茲濫濟淺抑何艱慮盈疑
及忠峰陰轉亭午出險馬蹄散草路且勿驅煙開望前館

望李陵臺

平沙北流水青山在其上李陵思鄉臺駐馬一西向草根含餘淒峰
尖入寒望俚言雖莫稽陳迹尙可訪想其深入初步卒亦材壯手張
天子威氣奪名王帳覆車陷囚虜此志迺大妄一爲情愛牽皇恤身
名喪縷縷中郎書挽使同跌踢安知臣節恭之死不易諒河梁執別
處出語謾惆悵家聲故燁赫三世漢飛將兵法有死生人運迭休旺
忠回在信史豈沒功罪狀馬遷當腐刑強欲雪其謗土思豈能無層

雲塞亭障千年麒麟圖吾將執玄螭

觀失刺幹耳朵御宴回

毳幕承空柱繡楣綵繩亘地掣文霓辰旂忽動祠光下甲帳徐開殿
影齊芍藥名花圍簇坐蒲萄法酒折封泥御前賜酺千官醉恩覺中

天雨露低

車駕駐蹕即賜近臣聽爲炸子御筵設罷殿失刺
幹耳朵深廣可容數千人上京五月芍藥始花

還次桓州

塞雨初乾草未霜穹廬秋色滿沙場割鮮俎上薦黃鼠獻獲腰間懸
白狼別部烏桓知幾族他山稽落是何方長雲西北天如水想見旌
旗瀚海光

午日雪後行失八兒禿道中有懷同館諸公

尖峰猶是漠南山駝褐蕭蕭午日寒艾葉漫將頭上插榴花應許夢

中看馬前砂雪行初隱鵬背荒雲落更盤王事獨賢吾敢憚重煩同
館勸加餐

過長城

道德藩墉億萬年長城謾與朔雲連秦人骨肉皆爲土漢地封疆已
罷邊飲馬窟深泉動脈牧羝沙煖草生煙神京近在玄溟北九域開
荒際幅員

李老谷聞子規

老杜聞子規近在東西川猶云感時物收淚寫幽悵今我行塞徼子
規相後先時夏雲景晦鳥呼搖空煙響入樹窅窅啼垂血濺濺想知
歧路難不惜軀命全千聲復萬聲喚我歸言遄苟非木石心豈免腸
內煎江南叢薄閒有花名杜鵑開時是鳥至相戒治春田不歸如江

水負此今五年風土孰云異物情要有遷寄巢勿浪出祝爾還自憐
嚴程趣行邁且復揮吾鞭

待制集上京紀行序延祐七年貫以國子助教北都生始出
居庸踰長城臨灤水之陽而次止焉自夏涉秋更二時乃復
計其闢途覽歷之雄宮御物儀之盛凡接之于前者皆足以
使人心洞神竦而吾情之所觸或亦肆口成詠第而錄之總
三十二首噫置窶家之子于通都萬貨之區珍怪溢目收攬
一二而遺其千百雖欲多取悉致力何可得哉貫越西之鄙
人少長累遭家難學殖荒落志念迂疎顧父師之箴言在耳
嘗慙焉弗勝乃茲幸以章句訓故間廁西靡之武以竊竊陪
衆臣之末龍光炳煥照耀後先山川閎奇振發左右則夫紀

載而鋪張之有不得以其言語之蕪拙而併廢也今朝夕俟
汰庶幾退藏田里以安遲暮而諸詩在稟懼久亡去吾友薛
君宗海雅善正書探囊中得舊紙數板因請宗海爲作小楷
聯爲卷豈直歸誇田夫野老以侈幸遇之萬一而顧瞻鼎湖
薄天萬里遺弓之痛有慨于心尙何時而可忘耶後三年至
治三年十一月五日柳貫自序

荆門

河塘底里通涵管宣泄隄防計未迂大抵成功搖末議却將失得較
錙銖

待制集自注張子仁爲都水監丞日作涵管疏泄積潦一時
以爲便而今或有非之者

奉陪侍御金源公虎邱之游閱數日乃能成詩以紀覽歷凡

二十五韻

闔閭藏窆處白虎臥其丘殉葬劍已化金精猶上浮秦強事穿伐鬼
功叶人謀剝腸裂青壁瀝髓發寒流樹色不知古蛟龍鬱相樛蛻影
入深窈鐵花繡吳鉤供庖綆汲餘千人宜浣漱生公昔講經聚石石
點頭至今盤石上法雲垂蔭稠宅坊何年建凌虛出飛樓北牖俯平
楚西軒延廣疇登臨小吳會萬象一目收韋白題詩後物華壓雕鏤
胡哉幽獨君窅然遺清謳茲山起原隰山形如覆甌我疑星游空墮
地得長留不然駕海來六鼇爲載輶現成般舟臺不以聞思修客過
閶門西看山幾迴眸是節風日美招攜有扁舟旋權午景停繫籬野
陰稠行酒進熟啜飲闌歸意適詞客思如雲尙書氣橫秋吾衰落人

後技癢紀斯遊謬語尙可芟蕪穢焉能度

元明事類鈔柳道傳貫行書虎丘詩一卷縱橫適逸亦鮮于
之亞也詩語宏麗手錄之

浦陽十詠

仙華巖雪

縣北有仙華巖翠
掉浮空雪景尤奇

冰柱浮空曉色蒙海波搖動玉玲瓏九清內景游終外五嶽眞形太
素中微月升壇初映鶴長雲連野不驚鴻仙姬宴坐瑤池上催捧蟠
桃獻木公

白石湫雲

白石龍湫在縣東
南能出雲爲雨

白石靈山望贊皇湫潭此復見蒼蒼飄揚直欲陵三際膚寸猶能雨
八荒空外金精縣太白泉中虬彩化長黃傳芭奏罷神絃曲松蓋成

陰澤氣涼

恆州贊皇縣有白石靈山漢碑在焉

龍峰孤塢

縣東龍峰古塢實爲蒼龍左角

兩環日月似飛梭
鰲背稜稜窄堵坡
朱鳥前頭森矗矗
蒼龍左角見嵯峨
玉函舍利朝光現
珠斗闌干午影過
浩劫浮雲開萬象
寶華雜遯散芬陀

寶掌冷泉

寶掌山唐千歲和尚道場有看經得道洞巖竇出泉極甘寒

一勺曹谿未是甘
刺山容易出飛泉
消融太古岷峨雪
澄映中秋沆瀣天
挂樹青猿窺洗鉢
眠沙白鹿伴安禪
巖龕無縫身如石
逆數高僧入定年

月泉春誦

縣西有泉隨月盈虧泉上精舍祠文公成公

有盈有泚卽寒泉
猶隔蘆峰道里千
嶽麓雲深藏策處
匡山人老讀

書年松楠疊影青浮几華樹生香晚入筵稽首堂中兩夫子六經言
遠視如天

潮溪夜漁

去縣五十里
始大有魚蟹之產

溪水添流到石缸
小家殘戶占漁商
蛟龍未解乘雲氣
魚鼈安能避澤梁
兩岸櫟林藏曲折
一篝松火照微茫
淮夷固有蠙珠顆
往往鈎深夜得光

南江夕照

南江橋西望原麓
返照如畫圖中

千峯不盡夕陽孤
歛翠浮丹入畫圖
塢廟傍連山影直
石梁中亘水痕枯
白魚在汕將踰尺
紅稻登場稍似珠
玉露金風秋最爽
跳身何用市間壺

東嶺秋陰

縣東山嶺平林
廣野秋常多陰

半里官橋出市闌一團秋色破孱顏雲開浩蕩初疑曙日出蒼涼不見山斷雁殘鴻飛杳杳綠蕪紅葉映斑斑去年菊蕊今年發拾得籬邊句子還

深禡江源

浦陽江原出深禡山在縣西三十里

濫觴初不滿瓶盆百谷渾渾一壑吞自此安流輸渤澥放渠高浪蹴崑崙出山未適帆檣便竭澤毋庸罔罟繁謝客題詩曾宿處孤雲落日是何村

昭靈仙迹

昔黃帝少女子仙華巖上升仙下有昭靈廟水旱禱之輒應

芝掌中開顥氣青雲輶雙駕鳳凰翎因山不啟軒轅鼎化石猶聯婺女星磴道芳春琪樹長巖扉清晝碧華零真仙帝遣司風雨喚起淵

龍聽指令

待制集

句

羲和白日經天近
勅勒陰山度幕遙
雪華遙映龍旗動
日色纔臨鳳蓋閑

詩藪元婺若黃文憲柳文肅皆以文名而詩亦華整黃如揮毫云云柳如云云置之作者奚讓

句

大暑無蒙絡輕寒已御貂

詩藪元五言律可摘者元裕之云云楊仲宏云云虞伯生云云薩天錫范德機云云揭曼碩云云趙子昂云云陳剛中云云楊煥然云云程彥明云云鄧文原云云鮮于樞云云薛玄卿云云吳立夫云云柳道傳云云皆句格閎整大歷元和閒

殊不多得也

YORK UNIVERSITY

JUN 5 - 2001

EAST ASIAN STUDIES

日本經濟史

